

obeunda recipiebantur. Ad V. Omnes quidem fatentur, Cyprianum, & Firmilianum in hac controversia, aliquid humani fuisse passos, & de Cypriano quidem hæc habet S. Augustinus l. 2. contra Donatistas: *Luce caritatis, si quid in eo purgandum erat, passionis falce sublatum fuit.* Firmilianus vero, Dionysius Alexandrinus, & alii ante Ecclesiæ definitionem scripsierunt, & si errarunt, bona fide, & sine pertinacia errarunt. Sextum argumentum totum nugatorium est. Hæretici non sunt meliores Joanne Baptista quantum ad fidei integritatem, & vitæ sanctimoniam; sunt vero meliores quantum ad Baptismi dignitatem; Baptismus enim Hæreticorum est Baptismus Christi, qui longe melior est Baptismo Joannis.

P R O P O S I T I O IV.

Adversus Wiclefitas, Hussitas, & Albigenses afferimus, necessariam non esse in Ministro vitæ sanctitatem, ut valide Sacra menta conficiat.

¶ XV. Idem hic superius expositum argumentum recurrat. *Io. I. de Christo* dicitur: *Hic est qui baptizat in Spiritu Sancto.* Jesus Christus igitur in persona Ministrorum baptizat, Jesus Christus confirmat, Jesus Christus absolvit; &c. nihil igitur ad Sacramenti validitatem refert, quæ sit Ministri vita, qui non virtute, aut potestate propria, sed nomine, virtute, & potestate J. C. operatur, & sicut Solis, vel etiam lacernæ lux, cum per cœnosa diffunditur, nihil inde sordium contrahit: sic (verba sunt S. Augustini l. 3. de Bapt. c. 10.) sic Ecclesiæ Sacra menta non possunt hominum sceleribus inquinari.

¶ XVI. Si in Ministro vitæ sanctimonia necessaria esset ad valide Sacra menta conficienda, hæc sequerentur absurdia

A B S U R D U M I.

Baptisma tam varium esset & multiplex, quam varia est & multiplex probitas morum, & Sanctitas vitæ; Ad ho-